

元和唯亭志卷四

津梁

造橋修路陰隲垂文然非實心好善者安能慷慨解囊而任勞任怨哉近鎮橋梁不下百計為載其始事以示勤公者志津梁

阜民霖雨橋 在鎮東市跨至和塘俗名大橋創建於國朝康熙三十二年里人尤本立募捐督撫兩院命名故一橋兩名道光初年將圯三年里人沈吉朱椿倡捐領募重建

元和唯亭志

卷四

津梁

朱龍采

重建阜民霖雨橋

一橋而兩名者吾里阜民霖雨橋而已橋建於康熙癸酉里耆尤君本立領募前督撫兩院之所命名歷年既久漸即傾圯里中諸先輩屢議重修格於工費不果道光癸未春沈岵亭先生慨然捐貲以為之倡余叔雲高出而佐之勸募各戶量力書捐共募捐錢三千餘緡橋之成謂可計日待而兩遭坍塌繼值大水工無可施遂停役及甲申夏南北之中阻者數閱月矣風雨暮夜恆苦喚渡乃復鳩工庀材期歲事焉然上年捐項至此幾無贏餘加以兩壩既撤送樁下石工費較倍須再得一千餘緡方可敷用以千萬人來往之橋五千貫浩繁之費幾專責諸區區一鎮之中有力者不過數家災荒之後平糶捐賑力亦匱矣而卒各加捐以成其事誠激發于二君勤於辦公不辭勞怨之苦心也或謂橋之建百餘年矣即不重建亦未必遽崩二君母乃喜事乎余曰否橋之不崩者幸也其必

卽崩者衆所共覩也今日之重建乃慮其一崩而不能復舉非幸其未崩而易於圖功也今工已告成二君猶以其餘貲修理周涇駟馬涇諸處務使險者平而危者安人盡如此舉步皆坦途矣事盡如此斯世無反側矣喜事云乎哉或唯唯而退是役也用錢五千千零大小工一萬二千四百餘自癸未二月經始閏兩寒暑而告竣平易道路人不病涉二君之用心與昔之尤君並著矣余忝與斯役樂其事之有成而并願爲斯世風也於是乎書時道光六年七月中澣

尤崧鎮 霖雨橋

婁關遯崑及弁峯塘長且濶波溶溶唯亭鎮於卅里外要途真是兼繁衝前代竟無大橋設大里橋稱操渡者善持緩急南北居民與懋遷病於濟涉豈良策康熙癸酉春正中先六世祖仁軒公禱於神靈卜云吉募建輿梁成樂從相陰陽而度廣狹衆謀僉協營於東工勵其堅斥其懦石選其實除其

元和唯亭志

卷四

津梁

二

鬆費金八千閏九月橋工歲事瞻崇甯相傳是年患小旱建橋得雨炎威轉大吏因題霖雨名載錫阜民殊繼綵遠懷傳說淳焉興歌到南風冷然善爾時耕讀各安堵土風雖淳少巨戶縱云潮到卜狀元統吳而言非塊土斯土自有斯橋來饒沃清華霞並舉良由洪波每東奔自婁入海難蓄聚架以長虹略鎖之令彼中流得容與腐儒不習形家言按之地理若合譜我家居此凡四世惜遽遷移患貧窶先居六世祖自錫山贊于唯亭歸氏遂橋感一百三十年雁齒將折虞傾顛帖亭先輩夙好義謂沈文已捐其金復募捐道光癸未之二月集貲三千貫青錢紫陽雲高爲佐理循轍重建俱勉旃惟值水災壩屢潰費難爲限時稍延捐賑救荒非不得已甲申夏乃復仔肩畢竟東陽有幹略集益加功事克全若柱若闕若腹面橋復其舊無頗偏費不半萬工自固吾祖先後同楫賢沈尤稽古原一族俱係姬姓非糾牽猗歟其有濟川志感懷雙鶴雲中僊而今丙午夏至節唯亭緝志已精覈沈子

九如徵我詩正值炎蒸憂莫釋
蒔雨不來秧奈何
詠到斯橋望膏澤倘復霖雨阜
我民橋有靈兮慶極何

查 詵

春江倒掣長虹影精光射水蛟龍醒
翻飛噴浪上層霄化為霖雨來滄溟
須與雨歇虹影藏長橋百尺跨和塘
土人指點說東里當時建者尤與王
翁建橋代已久岫亭先生繼其後譬
之霖雨澤無窮利濟功深垂不朽至
今塘上往來頻行人無復悵迷津楊
柳繞隄苔滿磴橋通宛轉波鄰鄰涇
橋潮聲石橋月孰若茲橋多利涉夕
陽兩岸起漁歌桃花雨過生鱸鱖

狀元涇橋 在上塘霖雨橋東識云潮到唯亭出狀

元詳古蹟故名俗名章家橋明萬厯末里人王堯仁

元和唯亭志

卷四

津梁

三

歸隆允陳證重修 國朝乾隆三十二年圯堯仁

後裔王慎聰重建

王岱東

重建狀元涇橋記略

自宋紹興有潮到唯亭出狀元之識邑合葉子強
築問潮館而狀元涇橋莫詳所自始今館址久圯
獨橋尚存族叔爾謀起而修之啟土得舊碑有狀
元涇橋四大字下注萬厯壬子王承寵題卽爾謀
五世祖前明任會稽合號竹林公者也碑旁小跋
字跡漫漶大旨似述命名之意然則橋之設也雖
久而狀元涇之名自竹林公始未可知也按縣志
王店橋竹林公借歸樟修之改名仁壽今撫殘碑
而知是橋之成亦惟公之力澤及桑梓百餘年不
泯其子孫又克繩祖武樂善不倦皆可敬也於是
乎書時乾隆三十
二年丁亥季冬

駟馬涇橋 在上塘狀元涇橋東明萬曆四十三年
邑令胡士容重建歸聖脉題唯亭八景石橋夜月
其一也

至德廟橋 在下塘至德廟前因名乾隆間里中沈
節母趙氏捐建又捨橋東基地俾擴大廟址

季涇橋 在上塘中市毛家街口俗名定勝橋

仁壽橋 在上塘西市俗名王店橋明成化元年里
人歸以德王常鼎新名德壽橋嘉靖七年里人歸
樟王承寵重修改名仁壽

按郡志仁壽橋下
再列德壽橋重出

元和唯亭志

卷四

津梁

四

太平橋 在鎮西上塘嘉慶四年里人重建

吉利橋 在太平橋西俗名黃泥漫橋

二橋郡邑
志並失載

護門涇橋 在吉利橋西俗名烟墩橋

周涇橋 在小唯亭金沙菴東明萬曆年邑令胡士

容重修

縮里橋 在宋墳東明萬曆年邑令胡士容重建

此橋

郡志亦
失載

東蕭涇橋 在宋墳西明萬曆四十三年邑令胡士

容重建 國朝嘉慶二十一年里人沈吉陳壽春

沈長奕朱丕續再建

東陸涇橋

在陸涇口橋下有泉

詳古蹟

鳳凰橋

在陸涇橋西俗呼西南村橋

薛涇橋

在鳳凰橋西俗呼南村橋

船場橋

在東龍灣口即東龍灣橋

國朝嘉慶二

十年里人項鳳天領募重建道光二十四年東塊

圯余偕大兄晉采勸募再建六月經始八月工竣

寶祐橋

在西龍灣口今稱西龍灣橋

烏土涇橋

元和唯亭志

卷四

津梁

五

韋涇橋

孝廉橋

明高季迪詩云送君只過孝廉橋即此

錢治謙

孝廉橋

魂婁水印橋痕孝廉名尚存漫吟高啟句只為怕銷

沈贊

鹿鳴賦罷試歸橈舊德先疇未寂寥兩岸兒童齊拍手孝廉船過孝廉橋

查詵

贈梅報竹路迢迢話到離情恨不消我更年來傷別苦送君不過孝廉橋

西張涇橋

上陸涇橋

長祐橋

和豐橋 自太平橋至此俱在鎮西官塘

永慶橋 在外跨塘跨至和塘俗名外跨塘橋 國

朝康熙元年圯十一年里人顧奕年重建

陸市浦橋 在陸市浦口卽東烟墩橋明萬曆年邑

令胡士容重建 國朝康熙初僧心達勸募再建

名浦前橋嘉慶十九年里人沈吉朱龍采再建改

名凝壽橋

元和唯亭志 卷四 津梁 六

史家港橋 在史家港口原名太平橋 國朝嘉慶

二十年橫港吳氏重建道光二十三年圯里人再

建

趙家浜橋 在趙家浜口 國朝道光二十一年真

義殷氏重建

堵墓涇橋

界浦橋 在界牌左東境屬新陽明萬曆四十年里

人支守禮建知縣祝耀祖記○自陸市浦橋至此

俱在鎮東官塘

仁壽橋 在項田村俗名項田橋里人沈其勳陳起

先捐建 彭啟
豐記

眾安橋

太平橋 二橋並在祁村

虹橋 在後戴墟廟堂頭里人陸姓祈嗣捐建

西城庵橋 在後戴墟村西

馬家圩橋 在後戴墟村東南

永安橋 在後戴墟村裏

西虹橋 在後戴墟村西北

元和唯亭志

卷四

津梁

七

裏漕涇橋 在漕涇村

環洞橋 在戰浦南跨戰浦港今廢

廟橋 在倪伯墓東嶽廟前俗名仙橋

瑞凝橋 在中十九都十四畝○自仁壽橋至此並

在鎮東南鄉村

通安橋 在金家莊

狀元橋 在許馬村南

南洲橋 在南洲村東

南石橋 在南巷港西

後巷橋 在後巷村

索路橋 在索路村道光二十八年里人重建○自

通安橋至此並在鎮南鄉村

青龍橋

太平橋 二橋並在沙墟村

顧家橋 在吳宮鄉六畝

張巷橋

城隍廟橋 二橋並在陳巨鄉十八畝

胡家橋

元和唯亭志

卷四

津梁

八

楊家橋

郁家橋

安里橋

白虎橋

大通橋 六橋並在陳宮鄉二十畝○自青龍橋至

此並在鎮西南鄉村

橫涇橋 在唯亭山橫涇港

沈爻橋

盛家橋 二橋並在唯亭山

汪家橋 在十畝港郡中汪姓築墳於此捐貲創建
因名

凌家橋

徐瀆橋 二橋並在唯亭山

聖堂橋 在陽城村聖堂左

太平橋 在陽城村前巷

環洞橋 在陽城村聖堂頭

土地堂橋 在陽城後洋浜

阜安橋 在澱涇阜安寺側

元和唯亭志

卷四

津梁

九

孫墓橋 在孫墓村明崇禎末里人馬坤岡捐建上
下俱有環洞高大堅固迄今仍完好如故里中有
孫墓敗落橋爭氣之謠○自橫涇橋至此並在鎮

東北鄉村

道王廟橋 在施家浜道王廟左

羊木墩橋 在王祥浜

北石橋 在懸珠北浜今廢

中石橋 在懸珠村

毛莊橋 在習義鄉一畝

王巷橋 在習義鄉王巷

橫港橋 在習義鄉橫港

古渡橋

朱家莊橋

吳涇橋 三橋並在習義鄉二畝

龍渭橋 在外跨塘○自道王廟橋至此並在鎮西

北鄉村

渡閘附

陸市浦渡 在陸市浦橋口離鎮三里見府志

元和唯亭志 卷四 津梁 十

唯亭中市渡 在季涇橋東

古閘 在鎮西即與權至和塘記初治河至唯亭得古閘用柏合抱以為楹蓋古渠况今

深數尺設牖者以限淞江之潮勢耳昔舊莫能詳之鄉宜蘇州水利記至和二年前知蘇州呂侍郎開崑山塘得古閘於唯亭之側是古者水不亂行之驗也